

Javno preduzeće/poduzeće

Regionalni vodovod „Plava voda“ d.o.o. Travnik

Broj: 133/15

Datum: 23.11.2015.g.

INFORMACIJA O STATUSU PROJEKTA „PLAVA VODA“ 2015.g.

Uprava JP RV „Plava voda“ d.o.o. Travnik:

VD Zamjenik direktora: Ivica Harmbašić, dipl.prv.-krim.



Direktor: mr.sc.Ernad Granić, dipl.ing.



SADRŽAJ

INFORMACIJA O STATUSU PROJEKTA „PLAVA VODA“ 2015.g.	3
1. Historijat Projekta „Plava voda“	3
2. Preregistracija i uspostava Preduzeća JP RV „Plava voda“ d.o.o. Travnik	3
3. Koncesija nad izvoristom „Plava voda“	4
4. Izrada Projektne dokumentacije	5
5. Osiguranje potrebne dokumentacije – dozvola	6
6. Proglašenje javnog interesa Projekta „Plava voda“	8
7. Osiguranje finansijskih sredstava za implementaciju Projekta „Plava voda“	9
8. Aktivnosti na provođenju procesa eksproprijacije	12
9. Komunikacija sa zainteresiranim stranama	12
10. Aktivnosti na zaštiti izvorišta	12
11. Izdašnost izvorišta i ekološki minimum vodotoka Plava voda	13
12. Priprema tenderske dokumentacije	15
13. Uređenje turističke zone Plava voda	15
14. Donacije za lokalnu vodovodnu mrežu	15
15. Komponente Projekta „Plava voda“	16
16. Principi funkcionisanja JP RV „Plava voda“ d.o.o. Travnik u budućnosti	16
17. Dalje aktivnosti na realizaciji Projekta „Plava voda“	17

Prilog 1: Indikativni plan otplate kredita EBRD (Izvod iz Osnovnih uvjeta zajma EBRD);

Prilog 2: Šema pravne strukture realizacije kredita EBRD;

Prilog 3: Plan otplate ukupnog kredita (EBRD i CEB) za realizaciju Projekta "Plava voda".



INFORMACIJA O STATUSU PROJEKTA „PLAVA VODA“ 2015.g.

Informacija o statusu Projekta „Plava voda“ 2015.g. (Informacija 2015) je urađena s ciljem da se sve zainteresirane strane informišu o trenutnim aktuelnostima na realizaciji Projekta „Plava voda“. Informacija 2015, istovremeno treba da doprinese i kvalitetnijem donošenju odluka svih relevantnih organa vezanih za nastavak realizacije ovog Projekta.

Metodika izrade Informacija 2015 se zasniva na opisu aktivnosti po tematskim cjelinama koje su sprovedene do 20.11. 2105.g. na realizaciji Projekta „Plava voda“

1. Historijat Projekta „Plava voda“

Ideja o implementaciji Projekta „Plava voda“ datira još od 80-ih godina, a sve u cilju dugoročnog unapređenje vodosnabdijevanja općina Travnik i Zenica. Kao zainteresirane strane, tj. potencijalni učesnici realizacije Projekta su u većoj ili manjoj mjeri uvijek bile prisutne i općine Novi Travnik i Vitez, a kasnije i Busovača.

S tim vezi, postignut je i „Društveni dogovor o izgradnji i korišćenju Regionalnog vodovoda „Plava voda“ za snabdijevanje pitkom vodom područja opštine Travnik, Pucarevo, Vitez i Zenica“ („Sl.Glasnik opštine Travnik, br.: 9/85), a nakon toga zaključen i „Samoupravni sporazum o međusobnim pravima i obavezama opština Travnik i Zenica u vezi sa osnivanjem radne organizacije Regionalni vodovod „Plava voda““ („Sl.glasnik opštine Travnik, 1987.g., br.: 6). Na osnovu ovog „Samoupravnog sporazuma“, Skupština opštine Travnik (na sjednici Vijeća udruženog rada, 14.12. 1989.g.) i Skupština opštine Zenica (na sjednici Vijeća udruženog rada i Vijeća mjesnih zajednica, 31.1.1990.g.) donijele su „Odluku o organizovanju Javnog preduzeća Regionalni vodovod „Plava voda“ Travnik“.

Realizacija Projekta je nastavljena poslije rata, a 30.06.2000.g., JP Regionalni vodovod „Plava voda“ Travnik sa Federalnim ministarstvom poljoprivrede, vodoprivrede i šumarstva (FMPVŠ) sklapa „Ugovor o koncesiji za korištenje vode izvorišta „Plava voda“ u Travniku za javno snabdijevanje vodom općina Travnik, Novi Travnik, Vitez, Busovača i Zenica“. Neposredno nakon toga (04.07.2000.g.), FMPVŠ izdaje Rješenje o davanju saglasnosti za prenos prava, obaveza i odgovornosti utvrđenih Ugovorom o koncesiji sa javnog preduzeća Regionalni vodovod „Plava voda“ Travnik na „Alpine BiH“ d.o.o. Travnik.

Obzirom da se prava i obaveze iz Ugovora nisu ispunjavale, 2005.g. načelnici općina Travnik i Zenica iniciraju ponovno pokretanje Projekta „Plava voda“.

2. Preregistracija i uspostava Preduzeća JP RV „Plava voda“ d.o.o. Travnik

U periodu 2005.g. kada je ponovo pokrenuta inicijativa za implementaciju Projekta „Plava voda“, JP Regionalni vodovod „Plava voda“ Travnik je bio u sastavu zajedničkog preduzeća „Alpine BiH“ i u tkzv. fazi „mirovanja“, tj. iako je formalno-pravno postojalo, ovo Preduzeće u praksi nije obavljalo predviđenu djelatnosti. Zbog toga je bilo potrebno sprovesti niz aktivnosti da bi se Preduzeće ponovo stavilo u funkciju, pogotovo imajući u vidu da se u međuvremenu promijenila i zakonska legislativa u našoj državi koja se odnosi na registraciju i funkcionisanje privrednih društava. Najvažnije sprovedene aktivnosti po ovom pitanju su slijedeće:



-izvršena je preregistracija Preduzeća, odnosno donesena je „Odluka o usklađivanju statusa, oblika, kapitala i djelatnosti Javnog preduzeća/poduzeća Regionalni vodovod „Plava voda“ d.o.o. Travnik sa sjedištem u Travniku ul. Zenjak bb“ (Sl.novine Općine Travnik 14/09) pri čemu preregistrovano preduzeće ostaje pravni sljednik Javnog preduzeća „Plava voda“ Travnik;

- donesen je Statut Preduzeća;
- formirana je Skupština i Nadzorni odbor Preduzeća;
- formirana je Uprava Preduzeća;
- uposlen je Tehnički sekretar na neodređeno vrijeme;
- na osnovu Ugovora o djelu omogućeno je obavljanje svih ostalih neophodnih funkcija Preduzeća (npr.: knjigovodstveni servis i sl.)
- osposobljene se kancelarije za rad Preduzeće i nabavljena osnovna i pomoćna materijalna sredstva (namještaj, kompjuterska oprema, telefoni, fax, vozilo,...);
- uspostavljena WEB stranica i e-mail adresa;
- doneseni su svi potrebni pravilnici i akti za zakonsko i normalno funkcionisanje Preduzeća;
- stvoren su preduslovi za upošljavanje i ostalog kadra u budućnosti – po potrebi;
- Preduzeće je u potpunosti preuzela svu koordinaciju i rukovođenje Projektom „Plava voda“ te po ocjeni Nadzornog odbora, Skupštine i osnivača Preduzeća do sada više nego uspješno izvršilo sve planirane aktivnosti i postavljene zadatke koje su bile u njenoj nadležnosti.

Prema dogovoru općina, finansiranje Preduzeća se do daljnjeg realizuje direktno iz budžetskih sredstava općina Travnik (51%) i Zenica (49%).

3. Koncesija nad izvorištem „Plava voda“

Obzirom da je nosilac prava, obaveza i odgovornosti utvrđenih Ugovorom o koncesiji bila kompanija „Alpine BiH“ d.o.o. Travnik, potrebno je bilo formalno i pravno koncesiju ponovo vratiti na starog (odnosno sada preregistrovanog) nosioca, tj. JP RV „Plava voda“ d.o.o. Travnik.

Najvažnije aktivnosti ovog procesa vraćanja koncesije su slijedeći:

- JP RV „Plava voda“ d.o.o.Travnik podnosi FMPVŠ-a (i Komisiji za koncesije FBiH) Zahtjev za povrat koncesije sa „Alpine BH“ (22.1.2010.g.);

- Vlada FBiH usvaja informaciju FMPVŠ-a te donosi Zaključak o raskidanju Ugovora o koncesiji sa „Alpine BH“ pri čemu sva prava iz Ugovora o koncesiji zadržava JP RV „Plava voda“ Travnik (odnosno novoregistrovano Preduzeće kao pravni sljednik);

- pristupa se sporazumnim izmjenama (Aneksa) Ugovora o koncesiji;

- usaglašava se Aneks Ugovora o koncesiji (predstavnic: FMPVŠ, Komisije za koncesije FBiH, Općine Travnik i Općine Zenica na sastanku 10.11.2010.g.);

- Vlada FBiH usvaja prijedlog za plaćanje koncesije nad izvorištem „Plava voda“ („Sl. Novine FBiH“ br.: 43/11, 44, 18.07.2011.g.);

- Vlada FBiH usvaja Aneks Ugovora o koncesiji nad izvorištem „Plava voda“;

- Vlada FBiH donosi Odluku o davanju saglasnosti za potpisivanje Aneksa Ugovora o koncesiji za korištenje vode izvorišta „Plava voda“ u Travniku za javno snabdijevanje vodom općina Travnik, Novi Travnik, Vitez, Busovača i Zenica („Sl. novine FBiH“, broj 80/11, 30.11.2011.g.)



-14. XII 2011.g. potpisan „Aneks Ugovora o koncesiji za korištenje vode izvorišta „Plava voda“ u Travniku za javno snabdijevanje vodom općina Travnik, Novi Travnik, Vitez, Busovača i Zenica“ od strane JP RV „Plava voda“ d.o.o. Travnik i FMPVŠ-a.

Potpisivanjem ovog Aneksa Ugovora, JP RV „Plava voda“ d.o.o. Travnik je dobila pravo korištenja 750 lit/sek u narednih 30 godina isključivo za vodosnabdijevanje ovih 5 općina .

Količina od 750 lit/sek je prema trenutno važećem dogovoru podijeljena na slijedeći način:

Općina Travnik: 200 lit/sek (koje već zahvata JKP „Bašbunar“) + 80 lit/sek (za dva nova rezervoara);

Općina Zenica: 350 lit/sek;

Općina N.Travnik, Vitez i Busovača: svaka po 40 lit/sek.

Zahtjev za izradu Aneksa II Ugovora o koncesiji:

Obzirom da se zbog nepostizanja konačnog dogovora između općina izgradnja vodovoda, a time i poštivanje odredbi Aneksa Ugovora o koncesiji, nije odvijala po planu, Preduzeće se 13.12.2013.g. uz saglasnost općina osnivača obratilo davaocu koncesije-FMPVŠ-a sa Zahtjevom za odgodu plaćanja koncesione naknade, odnosno izradu Aneksa II Ugovora o koncesiji. Nakon niza održanih sastanaka i pregovora u koje je aktivno bila uključena i Komisija za koncesije FBiH, Vlada FBiH je donijela Odluku o davanju saglasnosti za potpisivanje Aneksa II Ugovora o koncesiji. Nakon toga, Aneksa II Ugovora o koncesiji je potpisan od strane FMPVŠ-a s jedne strane (15.05.2014.g.) i Preduzeća (27.06.2014.g.) sa druge strane čime je plaćanje koncesione naknade odgođeno za dodatne četiri godine.

Komisija za koncesije FBiH vrši redovne kontrole rada Preduzeća i od sada su svi nalazi tih kontrola bili uredni i bez primjedbi.

4. Izrada Projektne dokumentacije

Pokretanjem inicijative za ponovni pokušaj implementacija Projekta „Plava voda“, donesen je stav da se pristupi ponovnoj izradi sve potrebne projektne dokumentacije. Razlozi za to su bili ti što se do već urađene projektne dokumentacije od strane „Alpine BH“ nije moglo doći, a i zbog toga što je na samoj trasi vodovoda nastalo dosta izmjena (izgrađenih građevinskih objekata i sl.) što bi zahtjevalo velike troškove preprojektovanja.

S tim u vezi Europska banka za rekonstrukciju i razvoj (EBRD), na osnovu dogovora sa Državom BiH o finansiranju prioritetnih investicionih programa, kroz projekat „Danube Investment Support Facility“ (DISF) naručila izradu Studije izvodljivosti za Projekat „Plava voda“. Studija izvodljivosti, koju je uradila kuća „BCEOM/Jacobs Engineering Joint Venture“ 2007.g.

Nadalje, Europska komisija (EC) je u sklopu projekta „Infrastructure Project Facility in the Western Balkans“ (IPF) odobrila grant sredstva u vrijednosti od 600.000 EUR-a za dalju pripremu projektne dokumentacije za Projekat „Plava voda“ uključujući i konsultantske usluge. Kuća koja je izabrana od strane EC da implementira ove aktivnosti je bila „WYG International“ koja je u svom daljem radu po potrebi vršila angažman drugih institucija (podizvođača) verifikvanih za određenu vrstu poslova (npr. Institut za hidrotehniku Građevinskog fakulteta u Sarajevu).



Na osnovu toga, u periodu 2009-2011.g. izvršeno je niz potrebnih radova, mjerenja i snimanja što je rezultiralo slijedećom dobivenom dokumentacijom potrebnom za implementaciju Projekta „Plava voda“:

- Idejni projekat;
- „Utvrđivanje izdašnosti i kvaliteta vode izvorišta „Plava voda““ (2010.g.);
- „Studija za izdavanje prethodne vodne saglasnosti“ (juli, 2010.g.);
- „Studija uticaja na okoliš“ (novembar, 2010.g.);
- „Plan upravljanja otpadom“ (januar, 2011.g.);
- „Studija vodozaštite izvorišta „Plava voda““;
- **„Glavni projekat“ -revidiran (2012.g.)** sa svim potrebnim komponentama kao što su:
 - *koncept sistema vodosnabdijevanja;*
 - *hidrološka istraživanja;*
 - *geološke podloge;*
 - *izbor tipa i vrste cijevi;*
 - *određivanje trase vodovoda;*
 - *određivanje trase odvojaka;*
 - *projekciju potrebnih objekata (vodozahvatni, hlorna i crpne stanice, rezervoari);*
 - *hidraulički proračuni;*
- „Pripremna geotehnička studija - misija G1“ (2012.g.);
- „Glavni projekat zaštite od požara“ (2012.g.);
- „Elaborat zaštite na radu“ (2012.g.);
- „Glavni projekat geotehničkog inženjstva - misija G21“ (2012.g.) i
- „Pisani izvještaj o reviziji projekta - misija G23“ (2012.g.).

Izrada ova dokumentacije je djelimično plaćena i iz sredstava koje je Preduzeće od 2011.g. dobivalo za svoje redovno funkcionisanje.

Napominjemo da je naknadno, u novembru 2011.g. (u fazi kada je revidiranje Glavnog projekta već bilo gotovo završeno), Preduzeće dobilo zahtjev od Općine Travnik i JKP „Bašbunar“ o **preprojektovanju** rezervoara Dolaca na novu lokaciju – Gostunj što je jedna od aktivnosti koja se planira sprovesti u sklopu cjelkupne implementacije projekta.

5. Osiguranje potrebne dokumentacije – dozvola

Obzirom da se Projekat „Plava voda“ implementira na području dva kantona (SBK i ZDK) te da je to prvi vodovod regionalnog (Federalnog) karaktera, posebno značajan segment pripremnih radnji njegove implementacije predstavlja dobivanje potrebnih saglasnosti i dokumentacije. S tim u vezi, za administrativnu pripremu realizacije Projekta „Plava voda“ Preduzeće je prikupilo slijedeću dokumentaciju:

- „Rješenje o prethodnoj vodnoj saglasnosti“ izdato od strane „Agencije za vodno područje rijeke Save“ (UP-I-25-1-40-462-2/10, od 21.9.2010.g.);



- „Rješenje o odobrenju Studije o uticaju na okoliš“ izdato od strane Federalnog ministarstva okoliša i turizma (UP-I/05-23-435-5/10 SN, od 05.7.2011.g.);
- „Rješenje o okolinskoj dozvoli“ (pravosnažno) izdato od strane Federalnog ministarstva okoliša i turizma (UP-I/05-23-435-6/10 SN, od 10.10.2011.g.);
- „Rješenje o urbanističkoj saglasnosti“ (pravosnažno) izdato od strane Federalnog ministarstva prostornog uređenja (UPI/03-23-2-1/12, od 07. 05. 2012.g.);
- „Rješenje o vodnoj saglasnosti“ izdato od strane „Agencije za vodno područje rijeke Save“ (UP-I-25-2-40-441-2/12, od 02.08.2012.g.);
- „Rješenje o vodnoj saglasnosti“ izdato od strane Ministarstva za poljoprivredu, šumarstvo i vodoprivredu ZDK (br: 05-25-05740-1/12, od 17.08.2012.g.);
- „Rješenje o vodnoj saglasnosti“ izdato od strane Ministarstva šumarstva, poljoprivrede i vodoprivrede SBK (br: 05-25-418/12, od 26.09.2012.g.);
- Načelna saglasnost od strane „BH- Gasa“ d.o.o. Sarajevo za izdavanje Urbanističke saglasnosti;
- Saglasnost od strane „BH-Gasa“ d.o.o. Sarajevo za izdavanje Odobrenja za građenje;
- Saglasnost od strane JP „Vilenica-Vodovod“ d.o.o. N.Travnik za izdavanje Urbanističke saglasnosti;
- Saglasnost od strane JP „Vilenica-Vodovod“ d.o.o. N.Travnik za izdavanje Odobrenja za građenje;
- Saglasnost od strane „HE Grablje“ d.o.o. Busovača za izdavanje Urbanističke saglasnosti;
- Saglasnost od strane „HE Grablje“ d.o.o. Busovača za izdavanje Odobrenja za građenje;
- Saglasnost od strane JP „Elektroprivreda HZ HB“ d.d. Mostar, Poslovnica Novi Travnik za izdavanje Urbanističke saglasnosti (uključuje i Odobrenje za građenje);
- Saglasnost od strane JP „Elektroprivreda HZ HB“ d.d. Mostar, Poslovnica Busovača za izdavanje Urbanističke saglasnosti (uključuje i Odobrenje za građenje);
- Saglasnost od strane JP „Elektroprivreda HZ HB“ d.d. Mostar, Poslovnica Nova Bila za izdavanje Urbanističke saglasnosti (uključuje i Odobrenje za građenje);
- Saglasnost od strane JP „Elektroprivreda HZ HB“ d.d. Mostar, Poslovnica Vitez za izdavanje Urbanističke saglasnosti;
- Saglasnost od strane JP „Elektroprivreda HZ HB“ d.d. Mostar, Poslovnica Vitez (uključujući općine N.Travnik i Busovača) za izdavanje Odobrenja za građenje;
- Saglasnost od strane „Elektroprenosa BiH“ a.d. Banja Luka, Operativno područje Sarajevo, za izdavanje Urbanističke saglasnosti;
- Saglasnost od strane „Elektroprenosa BiH“ a.d. Banja Luka, Operativno područje Sarajevo, za izdavanje Odobrenja za građenje;
- Saglasnost od strane „BH Telecoma“ d.d. Sarajevo, Direkcija Travnik, za izdavanje Urbanističke saglasnosti;
- Saglasnost od strane „BH Telecoma“ d.d. Sarajevo, Direkcija Travnik, za izdavanje Odobrenja za građenje;
- Saglasnost od strane „BH Telecoma“ d.d. Sarajevo, Direkcija Zenica, za izdavanje Urbanističke saglasnosti;
- Saglasnost od strane „BH Telecoma“ d.d. Sarajevo, Direkcija Zenica, za izdavanje Odobrenja za građenje;
- Saglasnost od strane JP „HT- Hrvatske telekomunikacije“ d.d. Mostar, lokacija Vitez, za izdavanje Urbanističke saglasnosti;
- Saglasnost od strane JP „HT- Hrvatske telekomunikacije“ d.d. Mostar, lokacija Vitez, za izdavanje Odobrenja za građenje;
- Saglasnost od strane JP „HT- Hrvatske telekomunikacije“ d.d. Mostar, lokacija Busovača, za izdavanje Urbanističke saglasnosti;
- Saglasnost od strane JP „HT- Hrvatske telekomunikacije“ d.d. Mostar, lokacija Busovača, za izdavanje Odobrenja za građenje;



-Saglasnost od strane JP „HT- Hrvatske telekomunikacije“ d.d. Mostar, lokacija Novi Travnik, za izdavanje Urbanističke saglasnosti;

-Saglasnost od strane JKP „Bašbunar“ d.o.o. Travnik za izdavanje Urbanističke saglasnosti;

-Saglasnost od strane JKP „Bašbunar“ d.o.o. Travnik za izdavanje Odobrenja za građenje;

-Saglasnost od strane JP „Vodovod i kanalizacija“ d.o.o. Zenica za izdavanje Urbanističke saglasnosti;

-Saglasnost od strane JP „Vodovod i kanalizacija“ d.o.o. Zenica za izdavanje Odobrenja za građenje;

-Saglasnost od strane JKP „Komunalac“ d.o.o. Busovača za izdavanje Urbanističke saglasnosti;

-Saglasnost od strane JKP „Komunalac“ d.o.o. Busovača za izdavanje Odobrenja za građenje;

-Saglasnost od strane JKP „Vitkom“ d.o.o. Vitez za izdavanje Urbanističke saglasnosti;

-Saglasnost od strane JKP „Vitkom“ d.o.o. Vitez za izdavanje Odobrenja za građenje;

-Pozitivno stručno mišljenje od strane Federalnog ministarstva kulture i sporta, Zavod za zaštitu spomenika za izdavanje Urbanističke saglasnosti;

-Pozitivno stručno mišljenje od strane Federalnog ministarstva kulture i sporta, Zavod za zaštitu spomenika za izdavanje Odobrenja za građenje;

-Stručno mišljenje od strane JP „Elektroprivreda BiH“ d.d. Sarajevo, Podružnica „Elektrodistribucija“ Zenica za izdavanje Urbanističke saglasnosti;

-Saglasnost (pozitivno mišljenje) od strane JP „Željeznice“ FBiH d.o.o. Sarajevo za izdavanje Urbanističke saglasnosti;

-Saglasnost od strane JP Autoceste FBiH“ d.o.o. Mostar za izdavanje Urbanističke saglasnosti;

-Saglasnost od strane JP Autoceste FBiH“ d.o.o. Mostar za izdavanje Odobrenja za građenje;

-produžetak važnosti urbanističke saglasnosti dobivene od Federalnog ministarstva prostornog uređenja za izgradnju Regionalnog vodovodno sistema;

-produžetak važnosti saglasnosti dobivene od „BH Telecoma“ -Direkcija Travnik;

-produžetak važnosti saglasnosti dobivene od „BH Telecoma“ -Direkcija Zenica i

-produžetak važnosti saglasnosti dobivene od „BH Gas“-a;

-produžetak važnosti Urbanističke saglasnosti dobivene od Federalnog ministarstva prostornog uređenja za izgradnju Regionalnog vodovodno sistema;

-Federalno ministarstvo prostornog uređenja je 24.04.2014.g. je izdalo Preduzeću **Načelno odobrenje za građenje složene infrastrukturne građevine regionalnog vodovoda „Plava voda“** sa rokom važenja od 5 godina.

Bitno je napomenuti da je dobivanje određenih saglasnosti bilo uslovljeno nizom prethodnih, administrativnih i tehničkih aktivnosti zbog čega nije bilo moguće prikupljati sve dozvole istovremeno nego u nekim slučajevima hronološki, jednu iza druge.

Sva gore navedena dokumentacije i procesi koji su vođeni za njeno pribavljanje je osigurana plaćanjem iz sredstva koja su od strane općina osnivača uplaćivana za redovno funkcionisanje Preduzeća.

6. Proglašenje javnog interesa Projekta „Plava voda“

Dana 04.09. 2012.g. Vlada ZDK je donijela Zaključak o opravdanosti izgradnje regionalnog vodovoda „Plava voda“ na području općine Zenica.

Dana 24.09. 2012.g. Vlada SBK je donijela Zaključak o opravdanosti izgradnje regionalnog vodovoda „Plava voda“ na području općina Travnik, Novi Travnik, Vitez i Busovača.

Nakon pripremljene dokumentacije i podnesenog zahtjeva od strane Preduzeća i Vlada FBiH je na svojoj 71. sjednici (održanoj 10.01. 2013.g.) donijela Odluku o utvrđivanju javnog interesa za izgradnju regionalnog vodovoda „Plava voda“.



7. Osiguranje finansijskih sredstava za implementaciju Projekta „Plava voda“

Na osnovu Protokola o financiranju komunalne infrastrukture potpisanog 2004.g. od strane BiH, i potvrđivanjem spremnosti FBiH da podrži financiranje odabranih prioriternih projekata (jedan od tih prioriteta je i Projekat „Plava voda“), EBRD je 2006.g. potvrdio interes za učestvovanje u financiranju Projekta „Plava voda“ sa procijenjenim iznosom od 20 miliona Eura

Nakon potvrđenog interesa i pregovora, te pisma namjere EBRD-a, 08.05.2009.g. potpisan je „Sporazum o nastavku realizacije Projekta 'Plava voda' “ od strane općina: Travnik, Zenica, Novi Travnik, Busovača i Vitez.

Da bi se ispunile dalje obaveze prema EBRD-u, u 2011.g. izrađeni su i slijedeći dokumenti:

- „Izveštaj o procjeni okolišnih i socijalnih uticaja“ (juli, 2011.g.);
- „Plan učešća interesnih grupa“ (juni, 2011.g.);
- „Okvir za preseljenje i naknade“ (juli, 2011.g.);
- „Netehnički rezime“ Projekta (juli, 2011.g.)

Preduzeće je sve ove dokumente stavilo na raspolaganje javnosti preko svoje web-stranice i infopultova u svim općinama učesnicama u Projektu.

Nadalje, na zahtjev EBRD-a, Preduzeće je održalo javne konsultacije u svim općinama (oktobar-novembar 2011.g.) vezano za socijalni i okolinski uticaj Projekta te postavljena pitanja sa odgovorima objavilo na svojoj web-stranici.

Preduzeće je, na zahtjev EBRD-a, uspostavilo i unaprijedilo komunikaciju sa lokalnom zajednicom te, zajedno sa ostalim akterima Projekta, riješilo pitanje ekološkog minimuma vodotoka „Plava voda“.

Nakon što se, zbog potrebe finansiranja eksproprijacije, u implementaciju Projekta „Plava voda“ uključila i **Razvojna Banka Vijeća Europe (CEB)**, Preduzeće je uspješno sprovedo sve aktivnosti koje su bile potrebne za aktivno uključenje i ove Banke u proces pripreme kreditnog financiranja, kao npr.

- prezentacija Projekta Banci;
- terenski obilazak općina učesnica i trase vodovoda.

U periodu 2013-2015.g Preduzeće je u okviru svog mandata organizovala i koordinirala niz sastanaka između načelnika općina, banaka, resornih ministarstava i ostalih relevantnih aktera Projekta „Plava voda“ u cilju kreiranja finansijske konstrukcije kreditnog zaduženja koje bi odgovaralo svim općinama. U novembru 2013.g. je pokrenuta inicijativa od strane općina da se zbog teške ekonomske krize, kreditno zaduženje za realizaciju Projekta umanjí tako što će se dio (polovina) potrebnih sredstava osigurati (direktno ili optrećenjem kreditnog zaduženja) iz domaćih izvora finansiranja sa kantonalnih i Federalnog nivoa.

U tu svrhu je održan sastanak sa Premijerom FBiH na kojem je iznesena i od strane Premijera prihvaćena ova inicijativa koja je u narednom periodu detaljnije razmatrana i dogovorena između učesnika Projekta.



Također, ova inicijativa je u formi pisma potpisana od strane Uprave, NO i načelnika svih pet općina te kao takva 12.12.2013.g. poslana bankama EBRD-u i CEB-u na odobravanje.

U septembru 2014.g. novo pismo namjere za kreditno zaduženje je potpisano od strane svih učesnika Projekta, a zatim proslijeđeno EBRD-u na dalju proceduru. Uz ovo pismo namjere je definisana (predložena) nova finansijska konstrukcija i plan otplate kredita sa ukupnim iznosom zaduženja od 44 miliona BAM.

Nakon niza pregovora i konsultacija, u martu 2015.g je definisan nacrt dokumenta „Osnovni uvjeti zajma - EBRD“ koji je parafiran od strane: svih dole navedenih učesnika:

- Premijera Vlade SBK,
- Premijera Vlade ZDK,
- Načelnika općine Travnik,
- Načelnika općine (grada) Zenice,
- Načelnika općine Novi Travnik,
- Načelnika općine Vitez,
- Načelnika općine Busovača,
- Fonda za zaštitu okoliša FBiH i
- JP RV „Plava voda“ d.o.o. Travnik.

Dokument „Osnovni uvjeti zajma - EBRD“ je 02.04.2015.g. proslijeđen u EBRD na dalju proceduru usvajanja.

Nakon usvajanja ovog dokumenta i odobravanja zajma od strane Upravnog odbora EBRD-a u Londonu u iznosu od 11 miliona Eura, pristupilo s kreiranju ugovora koji će detaljnije razraditi način zaduživanja i otplate kredita. Kreirani su nacrti, a zatim i prijedlozi 4 ugovora koji su nastali kao rezultat usaglašavanja svih učesnika Projekta Plava voda. Ti ugovori su slijedeći:

- 1. Ugovor o zajmu između BiH i EBRD-a;**
- 2. Projektni ugovor između JP RV „Plava voda“ d.o.o. Travnik i EBRD-a;**
- 3. Ugovor o podršci zajma između FBiH, Fonda za zaštitu okoliša FBiH, Srednjobosanskog kantona, Zeničkodobojskog kantona i EBRD-a i**
- 4. Ugovor o podršci Projekta između Općine Travnik, Općine Novi Travnik, Općine Vitez, Općine Busovača, Općine Zenica i EBRD-a.**

Da bi se stvorile pretpostavke za odvijanje pregovora oko kreiranja gore navedenih ugovora i uključenja svih ugovornih strana, Preduzeće je moralo simultano pokrenuti niz procedura na više administrativnih nivoa od kojih su nabitnije:

- Podnošenje Prijedloga Federalnom ministarstvu finansija za kandidiranje Projekta „Izgradnja Regionalnog vodovoda Plava voda“ u program javnih investicija FBiH koji uključuje:
 - Informacija o Projektu/programu IP obrazac;
 - Obrazac za ocjenu prijedloga Projekta;
 - Izjava o pripremljenosti Projekta u skladu sa dokumentima prostornog uređenja;
 - Izjava o pripremljenosti Projekta – da nije u suprotnosti sa međunarodnim ugovorima;



- Lista postupaka i radnji koje je potrebno poduzeti za izdavanje upravnih akata koji su neophodni za potpunu realizaciju Projekta;
- Podnošenje Zahtjeva (sa potrebnom dokumentacijom) Vladi SBK za dobivanje prethodne saglasnosti za kreditno zaduženje kod EBRD-a;
- Podnošenje Zahtjeva (sa potrebnom dokumentacijom) Vladi ZDK za dobivanje prethodne saglasnosti za kreditno zaduženje kod EBRD-a;
- Podnošenje Zahtjeva (sa potrebnom dokumentacijom) Vladi SBK za dobivanje prethodne saglasnosti za kreditno zaduženje kod CEB-a;
- Podnošenje Zahtjeva (sa potrebnom dokumentacijom) Vladi ZDK za dobivanje prethodne saglasnosti za kreditno zaduženje kod CEB-a;
- Podnošenje Zahtjeva (sa potrebnom dokumentacijom) prema Federalnom ministarstvu finansija za pokretanje postupka za stvaranje obaveza po osnovu vanjskog državnog duga za EBRD;
- Podnošenje Zahtjeva (sa potrebnom dokumentacijom) prema Federalnom ministarstvu finansija za pokretanje postupka za stvaranje obaveza po osnovu vanjskog državnog duga za CEB;
- Ponošenje Zahtjeva (sa potrebnom dokumentacijom) Federalnom ministarstvu poljoprivrede, vodoprivrede i šumarstva za pozitivno mišljenje o Projektu;
- Zahtjev (sa potrebnom dokumentacijom) za dobivanje Odluke Skupštine SBK za kreditno zaduženje i
- Zahtjev (sa potrebnom dokumentacijom) za dobivanje Odluke Skupštine ZDK za kreditno zaduženje.

Kao rezultat pokrenutih procedura, donesene su slijedeće odluke i zaključci nadležnih institucija:

- Zaključak Vlade SBK o prihvatanju informacije o Projektu i davanje prethodne saglasnosti za zaduženje SBK-a kod EBRD-a (30.04.2015.g.);
- Zaključak Vlade ZDK o prihvatanju informacije o Projektu i davanju prethodne saglasnosti za zaduženje ZDK kod EBRD-a (13.05.2015.g.);
- Zaključak Vlade SBK o prihvatanju informacije o Projektu i davanje prethodne saglasnosti za zaduženje SBK-a kod CEB-a (14.05.2015.g.);
- Zaključak Vlade ZDK o prihvatanju informacije o Projektu i davanju prethodne saglasnosti za zaduženje ZDK kod CEB-a (11.06.2015.g.);
- Pozitivno mišljenje Federalnog ministarstva poljoprivrede, vodoprivrede i šumarstva o usklađenosti Projekta sa strateškim okvirom upravljanja vodama (14.07.2015.g.);
- Odluka Skupštine SBK-a o prihvatanju zaduženja po Ugovoru o zajmu između BiH i EBRD-a i Ugovora o zajmu između BiH i CEB-a za Projekat (28.10.2015.g.);
- Vijeće ministara BiH je na svojoj 28. sjednici, 22.10.2015.g. utvrdilo Prijedlog ugovora o zajmu između BiH i EBRD-a u iznosu od 11 miliona Eura, s osnovama za zaključivanje ugovora. Zaključeno je da Ministarstvo finansija i trezora BiH dostavi prijedlog ugovora Predsjedništvu BiH u dalju proceduru, uz prijedlog da se za potpisnika ugovora odredi Ministar finansija i trezora.

U narednom periodu se očekuje donošenje Odluke Skupštine ZDK prihvatanju zaduženja po Ugovoru o zajmu između BiH i EBRD-a i Ugovora o zajmu između BiH i CEB-a za Projekat.



Dana 19.11.2015.g. potpisan je Ugovor o zajmu između BiH i EBRD-a. Ispred BiH Ugovor o zajmu je potpisao Ministar finansija i trezora BiH g. Vjekoslav Bevanda.

Paralelno sa svim aktivnostima zaduženja kod EBRD-a, Preduzeće je održavalo i potrebni nivo komunikacije sa bankom CEB. Naime, obzirom da do planiranog kreditnog aranžmana sa CEB-om nije došlo pravovremeno (zbog trajanja pregovora između općina Travnika i Zenice), prema proceduri CEB-a ovaj kredit je potrebno ponovo revitalizirati. Preduzeće je 06.04.2015.g. poslalo svu potrebnu dokumentaciju (Zahtjev za produženje kreditnog aranžmana sa svom potrebnom dokumentacijom) i obrazloženja te su se dobila uvjerenja da će se ovaj kredit sigurno ponovo odobriti.

8. Aktivnosti na provođenju procesa eksproprijacije

Preduzeće je izvršilo sve pripremne radnje i stvorilo preduslove za početak provođenja procesa eksproprijacije na projektovanoj trasi regionalnog vodovoda.

Jedan od glavnih preduslova za početak ovog procesa je bio i izrada „**Elaborata eksproprijacije**“ koji je finaliziran 2012.g., a na osnovu kojeg je i proglašen javni interes sa nivoa kantona (SBK i ZDK) i Federacije. Međutim, proces eksproprijacije formalno-pravno ne može započeti dok Preduzeće ne osigura procijenjeni iznos sredstava (oko 4,6 miliona BAM) na svom računu. Ova sredstva se planiraju osigurati iz kredita CEB banke.

9. Komunikacija sa zainteresiranim stranama

Obzirom na veliku zainteresovanost javnosti za realizaciju Projekta „Plava voda“, Preduzeće je poduzelo niz mjera koje kontinuirano osiguravaju maksimalnu transparentnost svih spvođenih aktivnosti. Neke od tih mjere provedenih u periodu 2013-2015.g. su slijedeće:

- redovno slanje izvještaja o radu i planova rada organima upravljanja Preduzeća;
- redovno ažuriranje web-stranice Preduzeća sa svim značajnijim aktivnostima;
- podrška uspostavi web-stranice MZ „Stari Grad“;
- redovno informisanje javnosti preko službi općina o svim značajnijim aktivnostima;
- dodatno informisanje OV-a Travnika i Zenice (u pisanoj formi) o sprovedenim aktivnostima u periodu 2005-2012.g.;
- redovno infomisanje javnosti preko lokalnih medija o svim značajnijim aktivnostima;
- davanje izjava i informacija svim medijima na zahtjev (printani mediji, tv i radio) i
- sastanci sa MZ.

I pored ovih poduzetih mjera, opšti je dojam da se načini informisanja javnosti o realizaciji Projekta „Plava voda“ trebaju unaprijediti i proširiti.

10. Aktivnosti na zaštiti izvorišta

Obzirom da se voda sa izvorišta „Plava voda“ već koristi za vodosnabdijevanje stanovnika općine Travnik (preko JKP-a „Bašbunar“), Preduzeće je kao pravni titular koncesije, u okviru svojih nadležnosti i u skladu sa svojim mogućnostima, započelo i aktivnosti za zaštitu izvorišta prema svim tehničkim i ekološkim savremenim principima.

S tim u vezi je izrađen „**Elaborat zaštite izvorišta Plava voda**“ koji predviđa sva potrebne mjere i aktivnosti adekvatne zaštite.



„Elaborat“ je, prema zakonskoj proceduri, od strane Preduzeća upućen na usvajanje Općinskom vijeću Travnik u maju 2012.g. Kako do usvajanja „Elaborata“ od strane Općinskog vijeća nije pravovremeno došlo, a kako je u međuvremenu došlo **do izmjene zakonske regulative** po pitanju izrade ovakvih elaborata, bilo je neophodno izvršiti doradu „Elaborata“ i njegovo prilagođavanje odredbama novog Pravilnika koji tretira ovu oblast.

U 2013.g. su izvršene aktivnosti na prilagođavanju postojećeg „Elaborata zaštite izvorišta Plava voda“ odredbama novog Pravilnika te je izrađen je nacrt „prilagođenog“ Elaborata koji se prosljedio Općini Travnik na dalju proceduru usvajanja.

OV Travnik je na sjednici održanoj 16.10.2015.g. donijelo Odluku o zaštiti izvorišta Plava voda.

Preduzeće je u periodu 2013-2014.g. realizovalo Projekat sanacije kanalizacione mreže naselja Tepedžik koja zbog svog geo-topografskog položaja direktno utiče na kontaminaciju izvorišta „Plava voda“. Sredstva za realizaciju ovog Projekta (80.000,00 KM), Preduzeće je osiguralo kroz grant dobiven od strane „Fonda za zaštitu okoliša FBiH“.

11. Izdašnost izvorišta i ekološki minimum vodotoka Plava voda

Prosječna izdašnost izvorišta Plava voda je naučno-stručno procijenjena na osnovu sistematskih osmatranja u periodu 1975.g., periodu 1984-1986.g., te u periodu 2009-2010.g. Procjenu je izvršio Institut za hidrotehniku Građevinskog fakulteta u Sarajevu, a primjenjena metodika mjerenja i proračuna kao i svi dobiveni rezultati o izdašnosti izvorišta i kvaliteta vode su detaljno obrazloženi u dokumentu „Utvrdjivanje izdašnosti i kvaliteta vode izvorišta Plava voda“ (2010) koji se može dobiti na uvid u Preduzeću.

Na osnovu provednih osmatranja dobivene su slijedeće vrijednosti izdašnosti Plava voda (Q):

Q maksimalno = 3,72 m³/sek; Q minimalno = 0,70 m³/sek; Q srednje = 2,0 m³/sek;

Napominjemo da je Q minimalno izračunato na bazi ranga pojave 1/20 godina (20-godišnjeg povrata) i sa ovom količinom, procjena ostaje na strani sigurnosti (rezerve).

Pitanje količine vode koja će nakon puštanja u rad Regionalnog vodovoda proticati vodotokom u turističkoj zoni Plave vode je pitanje koje izaziva bojaznost naročito kod stanovnika općine Travnik.

S tim u vezi, i Ugovor o koncesiji (iz 2000.g.) je predvidio da se osigura biološki (ekološki) minimum od 200 lit/sek koji će se morati održavati. Taj biološki minimum, zapravo znači obavezu koncesionara (Preduzeća) da se, u slučaju ekstremno sušnih perioda (tj. ukoliko izdašnost izvorišta (Q) bude oko minimalne) i ukoliko se istovremeno desi da sve općine budu imale potrebu za povlačenjem maksimalno odobrenih količina vode, prioritetno mora osigurati održavanje ekološkog minimuma, a tek onda od preostalu količinu vode koristiti za vodosnabdijevanje.

Mora se istaći da po procjenama stručnjaka do ove situacije gotovo da nikad ili vrlo rijetko može doći, međutim u konceptu Projekta „Plava voda“ mogućnost dešavanja ove situacije je uzeta u obzir kao objektivna. Zbog toga (a i na osnovu zahtjeva MZ Stari grad), Preduzeće je poduzelo niz aktivnosti da se u slučaju ekstremnih situacija ovaj minimum poveća za još 200 lit/sek koji će se osigurati iz rezervoara-pumpi koje će se projektovati i izgraditi u sklopu rješenja turističkog uređenja lokaliteta



Plava voda. Ovaj uslov povećanja ekološkog minimuma na 400 lit/sek je definisan i u Okolinskoj dozvoli, a i u Aneku II Ugovora o koncesiji.

U cilju što kvalitetnijeg praćenja i kontinuiranog praćenja nivoa vodotoka Plava voda, Preduzeće je u 2014.g. instaliralo mjernu stanicu koja omogućava mjerenje vodostaja vodotoka Plava voda u periodu do izgradnje i puštanja i rad regionalnog sistema. Ova aktivnost se provodi u saradnji sa „Institutom za hidrotehniku Građevinskog fakulteta u Sarajevu“ koji vrši sistematska mjerenja nivoa vodotoka.

Detaljni rezultati mjerenja nivoa vodotoka su objavljeni na web stranici Preduzeća, a mogu se dobiti i u prostorijama Preduzeća na upit.

Sumarni rezultati mjerenja nivoa vodostaja u periodu april 2014 – septembar 2015 su prikazani u slijedećoj tabeli:

Tabela 1: Sumarni rezultati mjerenja nivoa vodostaja Plava vodaa u periodu april 2014 – septembar 2015

Mjesec/godina	Q Minimum	Q Maksimalno	Q Srednje
April/2014	1,6	3,2	2,2
Maj/2014	2,7	3,5	3,0
Juni/2014	2,6	3,0	2,8
Juli/2014	2,3	2,8	2,5
August/2014	2,2	2,7	2,4
Septembar/2014	2,3	2,9	2,7
Oktobar/2014	2,2	2,8	2,5
Novembar/2014	2,2	2,5	2,4
Decembar/2014	2,2	2,5	2,4
Januar/2015	2,0	2,4	2,2
Februar/	2,0	2,4	2,2
Mart/	2,0	2,7	2,3
April/2015	2,3	3,3	2,7
Maj/2015	2,9	3,4	3,1
Juni/2015	2,5	3,1	2,8
Juli/2015	2,2	2,7	2,5
August/2015	2,0	2,6	2,3
Septembar/2015	1,9	2,3	2,0

Napominjemo da je koncesija dobivena na količinu od 0,75 m³ lit/sek, od kojih Općina Travnik već uzima 0,2 m³/sek, a ostale količine koncesije su raspoređene na: Općinu Travnik dodatnih 0,08 m³/sek; Grad Zenica 0,35 m³/sek; Općine Vitez, Busovača i Novi Travnik po 0,04 m³/sek.

Procijenjuje se da će se rekonstrukcijom lokalne distributivne vodovodne mreže koja se planira finansirati iz grant sredstava koja će se dobiti u sklopu Projekta „Plava voda“, količina od 0,2 m³/sek koju Općina Travnik već konzumira sa izvorišta Plava voda znatno umanjiti što će doprinijeti povećanju količine vode koja ostaje u vodotoku.



12. Priprema tenderske dokumentacije

U 2015.g. Preduzeće je osiguralo angažman konsultantske kuće Sachsen Wasser GmbH koja će pomoći pripremu tenderske dokumentacije za međunarodni tender po zahtjevima i standardima EBRD-a. Ugovor o donaciji između Preduzeća i EBRD-a, te Ugovor o pružanju konsultantskih usluga između Preduzeća i Sachsen Wasser GmbH je potpisan 02.09.2015.g. Konsultantska kuća Sachsen Wasser GmbH je izabrana i biće plaćena od strane EBRD-a iz sredstava posebnog granta (70.000 Euro).

Pored konsultantske kuće, u izradu tenderske dokumentacije će uz Preduzeće biti uključen i Stručno-operativni tim Projekta „Plava voda“. Ovaj tim će biti formiran od lokalnih eksperta koji su već kandidovani od strane svih učesnika Projekta.

U oktobru 2015.g. od strane Preduzeća i u saradnji sa konsultantima i kandidatima Stručno-operativnog tima su započete aktivnosti oko pripreme tenderske dokumenatacije.

U skladu sa procedurama EBRD-a, Preduzeće je 04.11.2015.g. na svojoj web stranici objavilo i GNP-General Procurement Notice (Opću obavijest o nabavi), a ista Obavijest je objavljena i u dnevnom listu „Dnevni avaz“, „Sl.glasniku BiH“ (br.85/2015), kao i u službenim novinama (žurnalima) Europske Unije i Ujedinjenih Nacija. GNP- General Procurement Notice će na ovim stranicama, prema proceduri EBRD-a biti objavljen 45 dana.

Na osnovu GNP-a, do dana pisanja Izvještaja 2015, 12 firmi (iz BiH, Njemačke, Grčke, Slovenije, Francuske i Rumunije) je poslalo upite Preduzeću o daljoj tenderskoj proceduri realizacije Projekta. Svaka od ovih firmi je dobila adekvatan odgovor na upit na jednom od službenih jezika na kojem se provodi tenderska procedura (engleski jezik).

Na inicijativu i uz učešće Načelnika Općine Travnik, dana 08.10.2015.g. je organizovan sastanak sa predstavnicima lokalnih građevinskih firmi na kojem je Direktor Preduzeća prezentirao glavne karakteristike Projekta „Plava voda“ i informisao prisutne o planovima tenderske procedure.

13. Uređenje turističke zone Plava voda

U konceptu realizacije Projekta „Plava voda“, predviđeno je da se izvrši projektovanje i preuređenje turističke zone Plava voda. U sklopu tog preuređenja bit će potrebno riješiti i način održavanja potrebnog nivoa vodostaja sa nekim od tehničko-tehnoloških rješenja. Ovaj uslov je jasno definisan i u Okolinskoj dozvoli izdatoj od strane Federalnog ministarstva okoliša i turizma. Za troškove uređenja turističke zone osigurana su sredstva od 4 miliona KM kreditnih sredstava (Općina Travnik ne učestvuje u vraćanju kredita).

Općina Travnik je 04.11.2015.g. objavila nagradni konkurs za izradu idejnog rješenja turističke zone I vodotoka Plava voda.

14. Donacije za lokalnu vodovodnu mrežu

U konceptu realizacije Projekta „Plava voda“, predviđeno je da se izvrši potpuna ili parcijalna rekonstrukcija lokalnih vodo- distributivnih mreža svih općina koje učestvuju u Projektu. Prema planu predstavljenom od strane EBRD-a, za svaku od općina je predviđeno da se investira po 1 milion KM, od čega će se 200.000 KM iskoristiti za konsultantske usluge, a po 800.000 KM za praktične radove na



rekonstrukciji vodovodne mreže. Sredstva za ove aktivnosti će, prema informacijama dobivenim od EBRD-a, biti osigurana iz granta od Švedske razvojne organizacije (SIDA).

15. Komponente Projekta „Plava voda“

Osnovne komponente Projekta „Plava voda“ sa izraženim procijenjenim troškovima dobivenim na osnovu projektne dokumentacije su prikazane u slijedećoj tabeli:

Tabela 2: Komponente Projekta Plava voda

Komponenta Projekta		Novčana vrijednost (KM)	Izvor sredstava	Napomena
1	Eksproprijacija	4.635.000,00	kredit	cijela trasa + odvojci
2	Vodozaštitna zona	2.500.000,00	kredit	mjere iz Elaboratu
3	Vodozahvat i hlorna stanica	510.000,00	kredit	na izvorištu PV
4	Glavni vod Tr – Ze (33 km)	21.500.000,00	kredit	
5	Odvojak Dolac i crpna stanica	535.000,00	kredit	preprojektovanje-Gostunj
6	Odvojak N.Bila i crpna stanica	483.000,00	kredit	
7	Odvojak N.Travnik i crpna stanica	2.732.000,00	kredit	
8	Odvojak Vitez	645.000,00	kredit	
9	Turističko uređenje	4.000.000,00	kredit	
10	Nadzor i konsult.-projekt. usluge	2.000.000,00	kredit	
11	Rezerva	4.460.000,00	kredit	Rezervoari (G, NT i B.) i dr.
12	Sanacija lokalnih vodovoda	5.000.000,00	grant	
13	Početna priprema Tendera	140.000,00	grant	
Ukupno		49.140.000,00		

16. Principi funkcionisanja JP RV „Plava voda“ d.o.o. Travnik u budućnosti

Principi rada Preduzeća u budućnosti su nadležnost i predmet dogovora između općina učesnica u Projektu, a prvenstveno općina osnivača Preduzeća -Travnika i Zenice. Potrebno je naglasiti da postoje tri perioda za koja ovi principi moraju biti posebno definisani. Ti periodi su:

A. Principi rada Preduzeća u periodu izgradnje regionalnog vodovoda: ovaj period počinje potpisivanjem kreditnog zaduženja i traje do završetka izgradnje (puštanja u rad) regionalnog vodovoda;

B. Principi rada Preduzeća u periodu vraćanja kredita: ovaj period počinje puštanjem u rad regionalnog vodovoda i traje do završetka otplate kredita i

C. Principi rada Preduzeća u periodu nakon vraćenog kredita: ovaj period počinje završetkom otplate kredita i podrazumjeva samodrživo funkcionisanje regionalnog vodovoda.

Do sada je između načelnika svih općina održano više sastanaka na ovu temu, te su izrađeni i određeni nacrti i prijedlog ovih principa, međutim taj dokument od strane općina još nije potpisan.



17. Dalje aktivnosti na realizaciji Projekta „Plava voda“

Najbitnije buduće planirane aktivnosti na realizaciji Projekta „Plava voda“ su :

- potpisivanje Projektnog ugovora sa EBRD-om, ugovora o podršci Projektu sa EBRD-om, kao i svih predviđenih operativnih ugovora između učesnika Projekta;
- aktivnosti na realizaciji kreditnog aranžmana sa bankom CEB;
- priprema tenderske dokumentacije;
- eksproprijacija (rješavanje imovinsko-pravnih odnosa) na projektovanoj trasi vodovoda;
- sprovođenje tendera za izgradnju vodovoda i
- početak izgradnje vodovoda.

EBRD uvjeti zajma

bos. ZA PARAFIRANJE 46201 Plava
Voda Term Sheet local rev 2 cisto
Datum nacrt:31.3.2015

Povjerljivi nacrt
Kurtoazni prevod

Aneks 3 - Indikativni plan otplate

u KM	2016	2017	2018	2019	2020	2021	2022	2023	2024	2025	2026	2027	2028	2029	2030	Ukupno
Općina Travnik	-	-	-	-	-	-	-	-	-	-	-	-	-	-	-	-
Općina Zenica	27,383	59,471	416,443	735,656	737,779	738,119	725,795	713,471	701,147	688,823	676,499	664,175	651,851	639,527	316,683	8,492,820
Općina Busovača	4,838	10,507	73,575	129,971	130,347	130,407	128,229	126,052	123,875	121,697	119,520	117,343	115,165	112,988	55,950	1,900,464
Općina Novi Travnik	4,585	9,958	69,728	123,176	123,531	123,588	121,525	119,461	117,398	115,334	113,271	111,207	109,144	107,080	53,024	1,422,008
Općina Vitez	2,719	5,906	41,356	73,056	73,267	73,300	72,077	70,853	69,629	68,405	67,181	65,957	64,733	63,510	31,449	843,388
FBH Fond za Okoliš	19,763	42,921	300,551	530,929	532,462	532,707	523,813	514,918	506,024	497,130	488,235	479,341	470,447	461,552	228,553	6,128,145
ZD Kanton	13,834	30,044	210,385	371,651	372,773	372,895	366,669	360,443	354,217	347,991	341,765	335,539	329,313	323,087	159,987	4,290,541
CB Kanton	5,929	12,876	90,165	159,279	159,739	159,812	157,144	154,475	151,807	149,139	146,471	143,802	141,134	138,466	68,566	1,838,803
Ukupno	79,051	171,683	1,202,202	2,123,717	2,129,847	2,130,828	2,095,250	2,059,673	2,024,096	1,988,519	1,952,942	1,917,364	1,881,787	1,846,210	914,211	24,517,379

Projekcija kamate	2016	2017	2018	2019	2020	2021	2022	2023	2024	2025	2026	2027	2028	2029	2030
GM EURIBOR	0.15%	0.25%	0.42%	0.60%	0.75%	0.98%	0.98%	0.98%	0.98%	0.98%	0.98%	0.98%	0.98%	0.98%	0.98%
Marža	1.00%	1.00%	1.00%	1.00%	1.00%	1.00%	1.00%	1.00%	1.00%	1.00%	1.00%	1.00%	1.00%	1.00%	1.00%
Ukupna kamata	1.15%	1.25%	1.42%	1.60%	1.75%	1.98%	1.98%	1.98%	1.98%	1.98%	1.98%	1.98%	1.98%	1.98%	1.98%

Projekcija povećanja KM kredita	2015	2016	2017	Ukupno
KM kredita	6,845,405	6,845,405	7,823,320	21,514,130


Kamata na nepovučena sredstva	0.50%
Jednokratna naknada	1.00%

17


[Handwritten signatures and initials]

ŠEMA PRAVNE STRUKTURE REALIZACIJE KREDITA - EBRD

Predložena struktura zaduženja EBRD



Gotovinski tok pri otplati EBRD



Legenda:

- LA - Loan Agreement (Ugovor o zajmu)
- SLA - Subsidiary Loan Agreement (Subsidiarni ugovor o zajmu)
- PSA - Project Support Agreement (Ugovor o podršci projektu)
- PA - Project Agreement (Projektni ugovor)

[illegible]